

Խոստումներ կատարելու ժամանակը

Կառավարությունն ի նպաստ թոշակառու փրկարարների



Հունիսի 19-ին տեղի է ունեցել ՀՀ կառավարության նիստ, որը վարել է ՀՀ վարչապետ Տիգրան Սարգսյանը:

Գործադիրը որոշում է կայացրել 2008 թ. իր պահուստային ֆոնդի հաշվին 4 մլն 800 հազար դրամ հատկացնել ՀՀ Սյունիքի մարզպետարանին եւ 3 մլն 40 հազար դրամ՝ ՀՀ Գեղարքունիքի մարզպետարանին՝ համապատասխանաբար Գորիս քաղաքում եւ Ծովասար համայնքում 2008 թ. մարտի 21-22-ը տեղի ունեցած ուժեղ քամու եւ կարկտահարության հետեւանքով դպրոցների շենքերին հասցված վնասների վերականգնման համար:

Մեկ այլ որոշում է կայացվել կապված փրկարարական ծառայողների կենսաթոշակների վերահաշվարկների հետ, մասնավորապես՝ «Հայաստանի փրկարար ծառայության մասին» եւ «ՀՀ բյուջետային համակարգի մասին» ՀՀ օրենքներին համապատասխան, փոփոխություն է կատարվել ՀՀ կառավարության 2005 թ. դեկտեմբերի 29-ի N 2323-Ն որոշման մեջ՝ փրկարա-

րական ծառայողների եւ նրանց ընտանիքների անդամների կենսաթոշակների միջին ամսական չափերի՝ շուրջ 60 տոկոսով բարձրացումն ապահովելու համար: Վարչապետը նշել է, որ այս հարցը մշտապես գտնվել է հանրության ուշադրության կենտրոնում: Ժամանակին այն բարձրացվել է նաեւ ՀՀ կառավարությունում ոլորտի աշխատակիցների հետ վարչապետ Սերժ Սարգսյանի հանդիպման ընթացքում, եւ նրա կողմից հստակ դիրքորոշում է արտահայտվել խնդիրը հնարավորին չափ սեղմ ժամկետներում լուծելու վերաբերյալ: Եվ այսօր ներկայացված նախագիծը, ըստ էության, այդ հարցի լուծումն է: Տիգրան Սարգսյանը վստահություն է հայտնել, որ ընդունված որոշմամբ կենսաթոշակների 60 տոկոսով բարձրացումը հավասար դաշտ կապահովի կենսաթոշակառուների միջեւ: Որոշմամբ, մասնավորապես, կենսաթոշակառուներին 2008 թ. հուլիս ամսվա կենսաթոշակների վճարման հետ միասին կտրվի միանվագ վճար՝



1) մինչեւ 2008 թ. մարտի 1-ը կենսաթոշակի անցած կենսաթոշակառուներին՝ որոշմամբ վերահաշվարկված ամսական կենսաթոշակի տարբերության քառապատիկի չափով,

2) 2008 թ. մարտի 1-ից 2008 թ. հունիսի 30-ը ներառյալ կենսաթոշակի անցած կենսաթոշա-

կառուներին՝ իրենց կենսաթոշակի անցած ամիսների թվից ելնելով, յուրաքանչյուր ամսվա վերահաշվարկված ամսական կենսաթոշակի տարբերության չափով:

Յ 3 ռձՅ՝ 3 ԻձՁԱՅՁԿԱ 4-ՈՒՆ ԶԳՁՈՍ



Մարդասպան ավտոմեքենաները

Մարդիկ միշտ իմացել են իրենց «թշնամիների» մասին՝ տարերային աղետներ, գիշատիչ կենդանիներ, թունավոր սողուններ եւ այլն: 20-րդ դարում դրանց ավելանում են նաեւ այն սարքավորումները, որոնք կոչված են ծառայելու մարդկանց եւ հեշտացնելու նրանց կյանքը: Այժմ հենց նրանք կարող են դառնալ մարդու գլխավոր թշնամիները: Այս միտքն առաջին անգամ արտահայտել է ԱՄՆ-ի Միներալոգիայի համալսարանի պրոֆեսոր Դան Քրայնուորթը: Փարիզում կայացած ամենամյա սեմինարին իր զեկույցի ժամանակ նա հայտարարել է. «Ավտոմեքենա գնելով՝ դուք ծեռք եք բերում մի ժամացույց, որը սկսում է ձեր կյանքի հաշվարկը հետ»:

Պատերազմի սկիզբը

Գրեթե յուրաքանչյուր ավտոմեքենայի հետեւում կա պատահարների մի երկար ցուցակ: Ասում են, որ այն ինչ-որ տեղ պահպանվում է եւ ժամանակ առ ժամանակ լրացվում: Պատմությանը հայտնի առաջին նման դեպքերից մեկը կապված է ավստրիացի էրցհերցոգ Ֆրանց Ֆերդինանդի հետ: Համարյա բոլորը գիտեն, որ նրա մահն ազդարարում է Առաջին համաշխարհային պատերազմի սկիզբը, սակայն քչերն են տեղյակ այդ օրվան նախորդող իրադարձություններին:

Յ 3 ռձՅ՝ 3 ԻձՁԱՅՁԿԱ 6-ՈՒՆ ԶԳՁՈՍ

«Էլիտ գրուպ» առաջարկում է կյանքի նոր որակ



Սեյսմակայուն էլիտար շինարարության առաջատարը տարածաշրջանում

E-mail: info@elitegroup.am; URL: www.elitegroup.am

Դուք ցանկանում եք լավագույնը, շքեղն ու հարմարավետը, ապահովն ու անվտանգը, նախընտրում եք ճարտարապետական ինքնատիպ լուծումները, գերժամանակակից ինժեներատեխնիկական հագեցվածությունը, զարգացած ենթակառուցվածքը, բարձրակարգ սպասարկումը, ամենահարգին ու հեղինակավորը:

Այլեւս մի փնտրեք Ձեր ուզածն արտասահմաններում, այն, ինչ երազել եք, այսօր արդեն իրականություն է. «Էլիտ Գրուպ» Երեւանի կենտրոնում կառուցում է Ձեր երազանքը: Միակ ընկերությունը Հայաստանում, որն արժանացել է որակի կառավարման ISO 9001-2000 միջազգային ստանդարտի վկայագրի՝ թուփ մենեջմենթի բնագավառում:

Ապահով, սեյսմակայուն եւ էլիտար շենքեր հատուկ Ձեզ համար:

Երեւան, Պուշկինի 21, ☎ 56-69-22, 56-69-33:

N 23 (248)

20.6.08-26.6.08

Շաբաթաթերթ

Քրոնիկոն

էջ 2, 3

Միջազգային

էջ 2

Հերթական միջազգայինը

էջ 4

Հակահամաճարակային միջոցառումներ

էջ 5

«Կլոր սեղան»՝ արտակարգ իրավիճակների շուրջ

էջ 5

Մեր Սամվելը

էջ 7

Արտակարգ ժամանց

էջ 8

Գինը 100 դրամ



Հայաստանի փրկարար
ծառայությունը զանգահարեք
1-01, 1-12

Ավտոպատահարներ

Հունիսի 13-ին ահազանգ է ստացվել, որ Երեւանի Դավիթաշենի կամրջի երթելակների հատվածում շրջվել է մի ավտոմեքենա, որից արտահոսում է վառելիք:

Դեպքի վայր մեկնած հրշեջները չեզոքացրել են հրդեհի բռնկման սպառնալիքը:

Պարզվել է, որ շրջվել է «Միցուբիշի» մակնիշի 99 SS 989 պետհամարանիշով ավտոմեքենան, ինչի հետեւանքով վարորդ Դ. Յազնյանը ստացել է թեթեւ մարմնական վնասվածքներ եւ հրաժարվել հիվանդանոց տեղափոխվելուց:

- Հունիսի 14-ին ահազանգ է ստացվել, որ «ԳԱԶԵԼ» մակնիշի միկրոավտոբուս է ընկել Օշական գյուղի մոտակա ծորը, եւ անհրաժեշտ է փրկարարների օգնությունը:

Պարզվել է, որ «ԳԱԶ-3110» մակնիշի S 1246 պետհամարանիշով ավտոմեքենան դուրս է եկել Օշականի գյուղամիջյան ճանապարհի երթելակների մասից եւ գլորվել ծորը (մոտ 20 մետր), ինչի հետեւանքով ուղեւոր, 1945 թ. ծնված Շուշանիկ Ավետիսյանը ծեռքի կտորվածքով տեղափոխվել է Աշտարակի հիվանդանոց, իսկ վարորդ Արտավազդ Աղիբեկյանը տեղում ստացել է առաջին բուժօգնություն:

Ըստ բժիշկների՝ Շ. Ավետիսյանի առողջական վիճակը զնախատվում է բավարար:

Թունավորում

Հունիսի 12-ին սնկից թունավորումով Վա-

նաձորի թիվ 1 հիվանդանոց է տեղափոխվել 1952 թ. ծնված Գագիկ Հովսեփյանը:

Ըստ բժիշկների՝ տուժածի վիճակը միջին ծանրության է:

Գայլերի հարձակում

Հունիսի 14-ին Գորիսի թունամյան փողոցի 13 տան բնակչից տեղեկություն է ստացվել, որ գիշերը, ժամը 04.00-ի սահմաններում գայլերը մտել են իր տան բակ եւ հոշոտել 7 ոչխար:

- Վայոց ձորի մարզից տեղեկություն է ստացվել, որ հունիսի 16-ի լույս 17-ի գիշերը գայլերը մտել են Եղեգնաձորի Օրբելի եղբայրների փողոցի 1-ին նրբանցքի 5 հասցեում գտնվող անասնազոմ եւ հոշոտել 6 ոչխար:

Առաջին զոհը Սեւանում

Հունիսի 14-ին տեղեկություն է ստացվել, որ Սեւանա լճում՝ Գեղարքունիքի մարզի Արծվանիստ գյուղի ափամերձ հատվածում, ջրահեղձ է եղել Վարդենիսի Երեւանյան փողոցի 4 տան բնակիչ, 1991 թ. ծնված Դադի Բարսեղյանը, եւ դիակը հայտնաբերելու համար անհրաժեշտ է փրկարարների օգնությունը:

Դեպքի վայր մեկնած ջրափրկարարները ջրից դուրս են բերել Դ. Բարսեղյանի դին եւ հանձնել ոստիկանության աշխատակիցներին:

Այրվածքներ պայթյունից

Հունիսի 18-ին Լոռու մարզից տեղեկություն է ստացվել, որ տարբեր աստիճանների այրվածքներով Ստեփանավանի հիվանդանոց են տեղափոխվել Վարդաբլուր գյուղի բնակիչներ՝ 2007 թ. ծնված Միքայել եւ 1995 թ. ծնված Մելինե Թունամյանները:

Նախնական տվյալների համաձայն՝ այրվածքների պատճառը գազի արտահոսքից առաջացած պայթյունն է:

Ըստ բժիշկների՝ տուժածների առողջական վիճակը ծանր է:

Փլուզում

Հունիսի 18-ին, ժամը 18.10-ին Շիրակի մարզից ահազանգ է ստացվել, որ Գյումրու քաղաքապետարանի հարեւանությամբ գտնվող շենքի պատը փլուզվել է հարակից

տնակների վրա, եւ փլատակներում մարդիկ են մնացել:

Ըստ նախնական տվյալների՝ Գյումրիի Շիրակացու փողոցի 101/031 տնակի վրա է փլվել «Անկյուն» ՍՊԸ-ի կողմից կառուցվող երկհարկանի քարաշեն կառույցի հարավային հատվածի երկտակ շարված մոտ 10 քմ մակերեսով պատը:

Դեպքի վայր մեկնած փրկարարական խմբերը փլատակներից դուրս են բերել 1940 թ. ծնված Լուիզա Ադամյանի, 1939 թ. ծնված Ժորժետա եւ 1969 թ. ծնված Հասմիկ Հարությունյանների դիակները: Պատահարի հետեւանքով տուժած՝ 1988 թ. ծնված Գայանե Լամբարյանը, տարբեր աստիճանների մարմնական վնասվածքներով տեղափոխվել է Գյուլբենկյանի անվան հիվանդանոց:

Ըստ բժիշկների՝ տուժածի առողջական վիճակը միջին ծանրության է, կյանքին վտանգ չի սպառնում:

Կարկուտ

Արարատի մարզ

Հունիսի 11-ին կարկուտ է տեղացել մարզի 44 համայնքներում: Վնասի չափերը ճշտվում են:



Կոտայքի մարզ

Տեղացած ուժեղ կարկտից Կոտայքի մարզի Մայակովսկի եւ Արամուս գյուղերում վնասվել են շուրջ 1,5 հա ջերմոցներ:

Լոռու մարզ

Հունիսի 12-ին տեղացած կարկտի հետեւանքով վնասվել են Լոռու մարզի Արեւաշող գյուղի կարտոֆիլի, հացահատիկի եւ բանջարաբուստանային մշակաբույսերի ցանքատարածքներ:

Վնասի չափը պարզելու նպատակով ստեղծվել է հանձնաժողով:

Սյունիքի մարզ

Հունիսի 12-ին Փայտիկ, Վերիշեն, Ակնեղ, Խոզնավար, Խնածախ, Ախլաթյան, Տոլորս, Բնունիս, Իշխանասար գյուղերում եւ Գորիս քաղաքում տեղացած ուժեղ կարկուտի հետեւանքով վնասվել են ցանքատարածքներ:

Ուժեղ քամի

Կոտայքի մարզից տեղեկություն է ստացվել, որ հունիսի 15-ին, ժամը 01.00-ի սահմաններում ուժեղ քամու հետեւանքով վնասվել է Արմյան քաղաքի Սեւանի փողոցի 11 հասցեում գտնվող «Հատիս» ԲԲԸ-ի տանիքը՝ 1700 քմ մակերեսով:

Վնասի չափերը ճշտելու նպատակով ստեղծվել է հանձնաժողով:

Հրդեհներ

Անցած չաբաքվա ընթացքում հանրապետության տարածքում գրանցվել է հրդեհի 36 դեպք:

Մեքենաներ

Հունիսի 13-ին Երեւանի Դավթաշենի 4-րդ թաղամասի Տ. Պետրոսյան փողոցում բռնկված հրդեհի հետեւանքով ամբողջությամբ այրվել է «Օպել Վեկտրա» մակնիշի 06 OL 530 պետհամարանիշով ավտոմեքենան:

- Հունիսի 14-ին Վաղարշապատի Զվարթնոց թաղամասի վերջնամասում գտնվող գազալցակայանում ամբողջությամբ այրվել է «ԲՄՎ» մակնիշի 30 SL 008 պետհամարանիշով ավտոմեքենան:

Տուժածներ չկան:

Տանիքներ

Հունիսի 14-ին Արագածոտնի մարզի Արագած գյուղում բռնկված հրդեհի հետեւանքով այրվել է Ս. Կիրակոսյանին պատկանող տան եւ անասնազոմի՝ ընդհանուր 120 քմ մակերեսով տանիքը:

- Հունիսի 17-ին, ժամը 12.47-ին ահազանգ է ստացվել, որ հրդեհ է բռնկվել Երեւանի Սարի-Թաղի 10-րդ փողոցում: Դեպքի վայր է մեկնել հինգ մարտական հաշվարկ: Հրդեհը մեկուսացվել է



ԱՄՆ-ում արտակարգ իրավիճակ է

ԱՄՆ-ի Այովա նահանգը հայտնվել է տարերային աղետների էպիկենտրոնում: Նահանգի ինը գետերը դուրս են եկել ափերից՝ հեղեղելով մոտ 700 բնակավայր: Փր-



կարարներն արդեն տարահանել են 25 հազար մարդու:

Ըստ ականատեսների՝ այս հեղեղումներն իրենց մասշտաբներով կարող են գերազանցել 2006 թ. ԱՄՆ-ի հարավային շրջանների վրա հարձակված Կատրինա փոթորկին:

Այժմ Այովայում փորձում են պարզել նահանգի բնակելի տներին եւ գյուղատնտեսական ցանքատարածություններին հասցված վնասի չափերը:

Ջուրը շարունակում է կյանքն իլել

Առնվազն 30 մարդ զոհվել եւ 300 հազարը մնացել են անօթեւան Հնդկաստանի արեւելյան շրջաններում տեղի ունեցած ջրհեղեղների հետեւանքով: Տեւական մուսոնային անձրեւներն Օռիսա, Արենտյան Բենգալիա եւ Ասամ նահանգներում հեղեղել են հսկայական տարածքներ: Այսպես, միայն Օռիսա նահանգում ջրի տակ է անցել ավելի քան երեք հարյուր գյուղ: Վնասվել են էլեկտրական հաղորդալարերը, խախտվել է երկաթուղային տրանսպորտի աշխատանքը: Մի շարք շրջաններում մարդիկ չեն կարողանում թողնել հեղեղված բնակավայրերը, քանի որ ճանապարհները նույնպես ջրի տակ են անցել: Փրկարարական եւ տարահանման աշխատանքներին ներգրավվել են զինվորականները: Առողջապա-

հության նախարարությունում մտահոգված են համաճարակների հնարավոր բռնկմամբ:

Բարդ իրավիճակ է տիրում նաեւ Չինաստանում, որտեղ ջրհեղեղների զոհ է դարձել 169 մարդ, եւս 52-ը համարվում են անհետ կորած: Տարերքի հարվածներին ենթարկված շրջաններից տարահանվել է մոտ երկու միլիոն բնակչություն: Ընդհանուր առմամբ ջուրը փլուզել է 125 հազար բնակելի տուն: Նախնական հաշվարկներով՝ ջրհեղեղները երկրին հասցրել են 3,3 միլիարդ դոլարի վնաս:

Ճապոնիան ցնցվել է ուժեղ երկրաշարժից

Հունիսի 14-ին Ճապոնիայի Հոնսյու կղզու տարածքում գրանցվել է 7,2 բալ ուժգնությամբ երկրաշարժ: Վերջին տվյալներով ստորգետնյա ցնցումների զոհ է դարձել ինը մարդ, եւս 12-ը համարվում են անհետ կորած: Ըստ տեղական լրատվամիջոցների՝ ավելի քան 200 մարդ ստացել է տարբեր աստիճանի մարմնական վնասվածքներ:

Ինչպես հաղորդել է Ճապոնիայի սեյսմիկ ծառայությունը, երկրաշարժին հետեւել է ավելի քան 200 հետցնցում, որոնք առաջացրել են բազմաթիվ սողանքներ: Բացի այդ, Ֆուկուսիմա պրեֆեկտուրայի ատոմային էլեկտրակայանում երկրաշարժի հետեւանքով տեղի է ունեցել ռադիոակտիվ ջրի արտահոսք: Տեղական իշխանությունների հաղորդմամբ՝ արտահոսքն աննշան



էր եւ բնակչության համար վտանգ չի ներկայացնում:

Շրջված ավտոբուսում զոհվել է 26 մարդ

Հունիսի 14-ին Ջամբիայի արեւելքում գրանցվել է խոշոր ճանապարհատրանսպորտային պատահար: Երկրի մայրաքաղաք Լուսակա ուղեւորվող ավտոբուսի վարորդը շրջադարձի ժամանակ չի կարողացել կառավարել մեքենան, ինչի հետեւանքով ավտոբուսը դուրս է եկել երթելակների մասից եւ շրջվել: Վթարի զոհ է դարձել 26 մարդ, եւս 52 ուղեւոր ստացել են տարբեր մարմնական վնասվածքներ:

Հունիսի 16-ին համանման պատահար է տեղի ունեցել Չինաստանի Հեյլունցզյան շրջանում: Վթարի հետեւանքով զոհվել է երեք մարդ, 14 տուժած տարբեր վնասվածքներով տեղափոխվել է հիվանդանոց:

Ֆախմա Թյունիքայան

➔ Ժամը 13.59-ին, մարվել՝ ժամը 14.12-ին:
Այրվել են 38 եւ 38/1 տների տանիքները՝ 250 քմ մակերեսով:
Նույն օրը Տավուշի մարզի Աջաջուր գյուղում բռնկված հրդեհից այրվել են Ա. Գասպարյանին եւ Յու. Գասպարյանին պատկանող տների տանիքներն ու առաստաղները՝ 180 քմ մակերեսով, ինչպես նաեւ Ա. Գասպարյանի տան գույքն ամբողջությամբ:

ՏՆԱՄԵՐԺ ԽՈՂԱՄԱՍՈՒՄ

Հունիսի 15-ին Կոտայքի մարզի Գետամեջ գյուղում բռնկված հրդեհի հետեւանքով Ա. Մաթեոսյանին պատկանող տնամերձ հողամասում այրվել են երկու պտղատու ծառ եւ 1000 քմ մակերեսով խոտ, հարեւան տնամերձ հողամասում՝ փայտյա տնակ եւ 1000 քմ մակերեսով խոտ:

ԽՈՏԱԾԱԾԿՈՒՅԹ

Հունիսի 16-ին Կոտայքի մարզի Եղվարդի Նատի թաղամասում այրվել է 3 հա խոտ, Եղեգնաձորում՝ գինժորական հրաձգարանին հարակից տարածքում՝ 1,5 հա խոտածակ տարածք:

ԱՆՎԱԴՈՂԵՐ

Հունիսի 18-ին հրդեհ է բռնկվել Երեւանի Րաֆֆու փողոցի 111 հասցեում՝ «Մարս» ռուս-հայկական միավորման կաթսայատանը հարակից տարածքում: Այրվել է 25 անվադող:

ՊԱԽԵՏՈՒՄՈՐԱԾ ԽՈՏ....

Հունիսի 17-ին, ժամը 12.55-ին հրդեհ է բռնկվել Կոտայքի մարզի Նոր Երզնկա գյուղում: Դեպքի վայր է մեկնել երկու մարտական հաշվարկ: Հրդեհը մեկուսացվել է ժամը 15.00-ին, մարվել՝ ժամը 15.50-ին:
Ռ. Կարապետյանին պատկանող տան բակում այրվել են պախեստավորած 200 հակ խոտը, 50 քմ մակերեսով ծածկի կառուցվածքները, ինչպես նաեւ 3-ակյան խորանարդ մետր վառելափայտ ու աթար:

ԽՈՐՈՂԱՆՈՑԻ ՏԱՆԻՔ

Հունիսի 19-ին Գավառի Հացառատ թաղամասում բռնկված հրդեհի հետեւանքով այրվել է Է. Իսրայելյանին պատկանող տան

բակում գտնվող խորդանոցի տանիքը՝ 12 քմ մակերեսով:

ԼՂՀ ՓԾ ԼՐԱՏՎԱԿԱՆ ԿԵՆՏՐՈՆ

ՀՐԴԵԽՆԵՐ

Հունիսի 12-ին Մարտունու շրջանի Կուրոպատկինո տեղանքում այրվել է 20 հա, իսկ Մարտունու շրջանին սահմանակից անվտանգության գոտում՝ 35 հա չոր խոտ:

- Հունիսի 13-ին Ասկերանի շրջանին սահմանակից անվտանգության գոտու չոր խոտածակույթներում բռնկված հրդեհի հետեւանքով այրվել է մոտ 80 հա չոր խոտ: Դեպքի վայր է մեկնել երկու մարտական հաշվարկ:
- Հունիսի 14-ին հրդեհ է բռնկվել Քաջաթաղի շրջանի Կովսական քաղաքի բնակելի տներից մեկում: Դեպքի վայր է մեկնել մեկ մարտական հաշվարկ: Հրդեհի հետեւանքով Ռ. Մարությանին պատկանող տունն ամբողջությամբ այրվել է:
- Հունիսի 16-ին հրդեհ է բռնկվել Մարտունու շրջանի Գեւորգավան գյուղում: Այրվել է 60 հա չոր խոտ:
- Հունիսի 18-ին Ստեփանակերտի ավտոդպրոցի պահեստում բռնկված հրդեհի հետեւանքով այրվել են մանրահատակ եւ 3-4 մետր երկարությամբ տախտակներ:

ՋԵՆՐ-ԳԻՆԱՄԹԵՐԵ

Հունիսի 14-ին Շուշիի երաժշտական դպրոցի հարեւանությամբ հայտնաբերվել է մեկ նռնակ:

- Հունիսի 15-ին Ստեփանակերտի գերեզմանատան մոտակայքում հայտնաբերված մեկ հակատանկային ականը վնասագերծվել է փրկարարական ծառայության սակրավորների կողմից:

ԴԺՔԱԽՈՒ ՍԱՏԱԽԱՐ

Հունիսի 13-ին հաղորդագրություն է ստացվել, որ Հաղորդի շրջանի Շնաքար գետում ջրախեղդ է եղել Տունի գյուղի բնակիչ 2002 թ. ծնված Հունան Եղիյանը:

ՆԱԽԻՐԱ ԵՂԻԱԳԱՐՅԱՆ

ՄԻԱՅՆ ՎՐԿԱՐԱՐՆԵՐԻ ԽԵՏ

Հունիսի 16-ին, ժամը 23.20-ին հատուկ փրկարարական ջոկատում ահազանգ ստացվեց, որ Երեւանի Բաբաջանյան փողոցի շենքերից մեկում բնակարանի դուռը չեն բացում, չնայած տանտիրուհին տանն է:
Ահազանգից մոտ տասնհինգ րոպե անց փրկարարական ջոկատի հերթապահ խումբը, փժ կապիտան Ն. Հակոբյանի գլխավորությամբ դեպքի վայրում էր: Պարզվեց, որ տանը գտնվող, 28-ամյա Գայանեն արդեն երկար ժամանակ չի բացում բնակարանի դուռը եւ ոչ մի կերպ չի արձագանքում ծնողների ու հարեւանների զանգերին: Մտածելով վատթարագույնը՝ փրկարարները, օգտագործելով ալպինիստական հանդերձանք, խոհանոցի պատուհանից մուտք գործեցին բնակարան եւ անցնելով ճաշասենյակ՝ ակամատես եղան հետեյալ տեսարանին. Գայանեն նստած էր ճաշասենյակի պատուհանագոգին եւ սպառնում էր իրեն ցած նետել 6-րդ հարկից:

Աղջիկը, որն ինչպես պարզվեց՝ տառապում էր հոգեկան հիվանդությամբ, մոտ չթողեց 1-03 ծառայության աշխատակիցներին ու ծնողներին եւ պահանջեց, որ իր ԽԵՏ գրուցեն միայն փրկարարները՝ հակառակ դեպքում սպառնալով իրագործել իր մտադրությունը: Իրավիճակն այնպիսին էր, որ փրկարարների ցանկացած սխալ խոսք կամ քայլ կարող էր ճակատագրական հետեւանքներ ունենալ: Մինչեւ լույսը բացվելը փրկարարները փորձում էին համոզել Գայանեին՝ հետ կանգնել չնտածված քայլ անելու մտադրությունից: Ի վերջո, փրկարարների ցուցաբերած մասնագիտական եւ հոգեբանական աշխատանքները տվեցին սպասված արդյունքը: Առավոտյան ժամը 07.30-ի սահմաններում փրկարարներին հաջողվեց մոտենալ աղջկան եւ նրան անվնաս իջեցնել պատուհանից:

Գայանեին հանձնելով հարազատների խնամքին՝ փրկարարները հանգիստ խղճով վերադարձան ջոկատ:

ՑԱՎԱԿՑՈՒՅՈՒՆ

Խոր վշտով հայտնում ենք, որ կյանքից անժամանակ հեռացավ ՀԱԷԿ-ի պահպանության հատուկ հրշեջ ջոկատի օդակի հրամանատար **Արամ Գարուշի Պապեյանը**:
Արամ Պապեյանը ծնվել է 1964 թվականին, Արմավիրի մարզի Արշալույս գյուղում: 1997 թվականից աշխատում է որպես հրշեջ: Այս ընթացքում աչքի է ընկել նվիրված աշխատանքով, բարձր կարգապահու-

թյամբ, ամբողջովին տիրապետում էր իր մասնագիտությանը, վայելում էր գործընկերների հարգանքը:
Ամուսնացած էր, երկու երեխայի հայր:

ՀՀ ԱԽՆ Հայաստանի փրկարար ծառայության ողջ անձնակազմն իր վշտակցությունն է հայտնում Արամ Պապեյանի ընտանիքին ու հարազատներին:



Հունիսի 12-18-ը ՄՊԱԾ-ի սեյսմիկ կայանները Հայաստանի տարածքում 3 բալ եւ ավելի ուժգնությամբ գրանցել են մեկ թույլ երկրաշարժ: Այն տեղի է ունեցել հունիսի 12-ին Մարալիկ քաղաքից 10 կմ արեւմուտք, ուժգնությունն էպիկենտրոնային գոտում կազմել է 3 բալ:
Տարածաշրջանում. 3 բալ եւ ավելի ուժգնությամբ գրանցվել է Իհնգ երկրաշարժ: Դրանցից չորսը տեղի են ունեցել Վրաստանի տարածքում, Դմանիսի քաղաքի շրջակայքում. երկու 3 բալանոց թույլ սեյսմիկ ցնցումներ են գրանցվել հունիսի 13-ին, մյուս երկուսը՝ հունիսի 18-ին, համապատասխանաբար 4 եւ 5 բալ ուժգնությամբ: Հունիսի 15-ին Ադրբեջանի Ալտրադաս քաղաքից 20 կմ հարավ-արեւելք տեղի է ունեցել երկրաշարժ, որի ուժգնությունն էպիկենտրոնային գոտում կազմել է 4-5 բալ:
Տարածաշրջանից դուրս. 6 եւ ավելի



Անցած շաբաթ Հտապօգնության ծառայությունն արձագանքել է 2917 կանչի, հիվանդանոց է տեղափոխվել 367 մարդ: Եղել է մանկական 186 կանչ, հիվանդանոց է տեղափոխվել 40 երեխա: Գրանցվել են 18 մահ եւ 21 դժբախտ պատահար:

ՀՈՒՆԻՍԻ 12

Ավան թաղամասի 94 տան բնակիչ՝ 3-ամյա Ա. Կարապետյանն էլեկտրահարվել եւ այրվածքներով տեղափոխվել է այրվածքների կենտրոն:
Կոմիտասի 63 հասցեում շինարարական աշխատանքների ժամանակ բարձրությունից ընկել է 45-ամյա Վ. Դավաթյանը, որը վնասվածքներով տեղափոխվել է «Արմենիա» բժշկական կենտրոն:
Նոր Նորքի 9-րդ զանգվածում վրաերթի է ենթարկվել 50-ամյա Կ. Սուքիասյանը եւ կոտրվածքներով տեղափոխվել «Ար. Գրիգոր Լուսավորիչ» բժշկական կենտրոն:
Աջ նախաբազկի կտրված վերջով Սիքայելյանի անվան հիվանդանոց է տեղափոխվել 40-ամյա Հ. Գալստյանը:

ՀՈՒՆԻՍԻ 14

Դաստակի կտրված վերջով «Արմենիա» բժշկական կենտրոն է տեղափոխվել Տիգրան Չուխաջյանի փողոցի 39ա տան բնակիչ՝ 79-ամյա Վ. Այվազյանը:
Լեւոնգորայան փողոցում «Բլից» բեմալցակայանի մոտ տեղի ունեցած վթարի հետեւանքով տարբեր աստիճանների մարմնական վնասվածքներով «Արմենիա» բժշկական կենտրոն են տեղափոխվել 36-ամյա Գ. Գրիգորյանը, 55-ամյա Հ. Մինասյանը եւ 38-ամյա Ե. Սարգսյանը:
Կասյան փողոցում վրաերթի ենթարկված 75-ամյա Լ. Միրզոյանն աջ ոտնաթաթի կոտրվածքով տեղափոխվել է թիվ 2 կլինի-



Հունիսի 12-13-ը, 15-ին, 17-ին հանրապետության շրջանների մեծ մասում, հունիսի 14-ին, 16-ին, 18-ին առանձին շրջաններում դիտվել է անձրեւ եւ ամպրոպ՝ 2-19 մմ (Իջևանում՝ 23, Մասրիկում՝ 25, Ամասիայում՝ 28 եւ Դիլիջանում՝ 37 մմ):
Ամենաբարձր ջերմաստիճանը դիտվել է Արարատյան դաշտում եւ Սյունիքի հովիտներում՝ +27...+32, Տավուշում եւ Արցախում՝ +23...+28, Լոռիում՝ +21...+26, Սյունիքի նախալեռներում եւ Լեռնային շրջաններում՝ +21...+26 °C:
Ամենացածր ջերմաստիճանը գրանցվել է Լեռնային շրջաններում եւ Լոռիում՝ +3...+8, Տավուշում եւ Սյունիքի նախա-

մագնիտուդով գրանցվել է մեկ ուժեղ երկրաշարժ: Հունիսի 13-ին ճապոնիայի տարածքում, Հոնայու կղզու հյուսիսում՝ Մորիոկա քաղաքից 80 կմ հարավ-արեւմուտք, տեղի է ունեցել 6,7 մագնիտուդով ուժեղ երկրաշարժ: Ձոհվել է 6 մարդ, 200-ից ավելին ստացել են տարբեր աստիճանների մարմնական վնասվածքներ, առնվազն 10 մարդ համարվում է անհետ կորած, քանդվել են մի շարք կամուրջներ, Լեռնային ճանապարհներ եւ շենքեր, ժամանակավորապես ընդհատվել է էլեկտրամատակարարումը, ատոմային էլեկտրակայանում տեղի է ունեցել ռադիոակտիվ ջրի արտահոսք: Երկրաշարժին հետեւել է 4,5-5 մագնիտուդով 20 հետցնցում: Տեղական իշխանությունների հրահանգով փակվել են մայրուղիները, դադարեցվել է ճեպընթացների երթևեկությունը:

ՄՊԱԾ ԳՈՐԾԱԿԱԼՈՒՅՈՒՆ

կական հիվանդանոց:

ՀՈՒՆԻՍԻ 15

Էլեկտրահարումից ստացած այրվածքներով «Մալաթիա» բժշկական կենտրոն է տեղափոխվել 4-րդ գյուղի 2 փողոցի բնակիչ՝ 40-ամյա Է. Մխեյանը:
Չարբախի 3-րդ փողոցում տեղի ունեցած վթարի հետեւանքով 13-ամյա Ռ. Մանուկյանը ստացել է աջ սրունքի կոտրվածք եւ տեղափոխվել «Ար. Աստվածամայր» բժշկական կենտրոն:
Ավան համայնքի Իսահակյան թաղամասում մեկ այլ վթարից տուժել եւ մարմնական վնասվածքներով հիվանդանոց է տեղափոխվել 42-ամյա Ս. Ջրաքյանը:

ՀՈՒՆԻՍԻ 16

Դավթ Անհաղթի փողոցում վթարի ենթարկված 50-ամյա Ն. Մանուկյանը կրծքավանդակի սալջարդով տեղափոխվել է «Ար. Գրիգոր Լուսավորիչ» բժշկական կենտրոն:

ՀՈՒՆԻՍԻ 17

Ամսառային 118 հասցեում պատի փլուզման հետեւանքով վնասվածքներ է ստացել 30-ամյա Դ. Ջաղացաբանյանը, որը վնասվածքներով տեղափոխվել է «Էրեբունի» բժշկական կենտրոն:
Մաշտոցի պողոտայի եւ Խորենացու փողոցի խաչմերուկում վթարի է ենթարկվել եւ թիվ 3 հիվանդանոց տեղափոխվել 60-ամյա Վ. Չիլոյանը:

ՀՈՒՆԻՍԻ 18

Հիվանդանոց են տեղափոխվել Գայի պողոտայում վթարի ենթարկված եւ բազմակի վնասվածքներ ստացած 35-ամյա Կ. Ավետյանը եւ 47-ամյա Հ. Սկրտչյանը:
Նալբանդյան փողոցում վրաերթի է ենթարկվել 40-ամյա Դ. Մարգարյանը եւ գլխի սալջարդով տեղափոխվել հիվանդանոց:

Լեռներում՝ +7...+12 (Սիսիանում, Քաջարանում՝ +1), Արարատյան դաշտում՝ +10...+15, Սյունիքի հովիտներում եւ Արցախում՝ +13...+18 °C:
Հունիսի 20-ի երեկոյան ժամերին տեղ-տեղ, հունիս 21-24-ը առավելապես օրվա երկրորդ կեսին եւ գիշերը շրջանների մեծ մասում սպասվում է կարճատև անձրեւ եւ ամպրոպ, տեղ-տեղ հնարավոր է կարկուտ: Քամին հարավ-արեւմտյան՝ 2-7 մ/վրկ, հունիսի 20-24-ը տեղ-տեղ հնարավոր է քամու ուժգնացում՝ 15-20 մ/վրկ: Օդի ջերմաստիճանը 21-ի ցերեկը կնվազի 2-4 աստիճանով, այնուհետեւ եապես չի փոխվի:



Մարդասպան ավտոմեքենաները

ԵՐԵՎԱՆ 1-ԿՄ ՆՅԱՆԻՍ

1914 թ. հունիսի 28-ի նախօրեին Ֆրանցի կինը՝ Հոգենբուրգյան հերցոգուհին, կանանց հատուկ քմահաճությամբ սկսում է կամակորոթություն անել։ Ֆերդինանդը պատրաստվում էր մեկնել Բոսնիայի մայրաքաղաք Սարաևո։ Հերցոգը պետք է սովորականի պես ճանապարհորդեր կառքով, որին ուղեկցում էր իր թիկնազորը։ Սա-



կայն դա չէր կարող բավարարել հերցոգուհու փառասիրությունը, եւ նա առաջարկում է Ֆերդինանդին բուլդոզի ճնշել իր շքեղությամբ։ Վեց նստատեղ ունեցող, արեւի շողերի տակ փայլատակող վառ կարմիր ավտոմեքենան այնպիսի ցնցող տպավորություն է գործում հերցոգի վրա, որ նա հիմք վայրկյանից ավելի չի մտածում։

Կայսերական զույգը տեղավորվում է ավտոմեքենայի մեջ, իսկ թիկնազորը գնում է նրանց հետեւից՝ ձիերով։ Ուղեւորությունն անցնում է հանգիստ, առանց որեւէ արկածի։ Սարաևո հասնելուն պես, հանգստանալու փոխարեն, հերցոգուհին որոշում է մեքենայով զբոսնել քաղաքի փողոցներով։

Հագիվ էր ավտոմեքենան թեքվել առաջին փողոցով, երբ նրա առջեւ հայտնվում է մի հեղափոխական երիտասարդ եւ մեքենայի կողմը մի ռումբ նետում։ Պահակախումբը չի հասցնում նույնիսկ աչքը թարթել։ Հուզմունքից էր արդյոք, թե՞ անփորձությունից, բայց տղան վրիպում է, եւ պայթուցիկը, բախվելով լաքապատ մեքենային, ընկնում է գետնին՝ փոշուտ ճանապարհի վրա։ Չնայած ավտոմեքենան զրահապատ չէր, կայսերական զույգը պայթյունից չի վնասվում։ Թիկնազորի չորս անդամները թեթեւ վնասվածքներ են ստանում։ Հերցոգի փոխարեն, երեւի թե, ցանկացած այլ մարդ ամեն ինչ կթողներ ու կվերադառնար իր ապարանքը, սակայն չնոռանանք, որ նա գտնվում էր, այսպես ասած, «անիծված» ավտոմեքենայի մեջ։ Դա նշանակում է, որ նա չէր կարող ճիշտ որոշումներ ընդունել։ Հանդգնվելով, որ բոլոր տուժածներն արդեն ստացել են անհրաժեշտ օգնությունը, հերցոգը եւ նրա կինը շարունակում են իրենց զբոսանքը։

Քիչ անց իրեն տարօրինակ

կերպով է դրսևորում Ֆերդինանդի վարորդը։ Չնայած նա հրաշալի գիտեր այդ քաղաքը, վարորդն անցնում է փողոցի այն հատվածը, որտեղից մեքենան պետք է թեքվեր, սակայն այդ մասին ոչինչ չի ասում՝ հուսալով մոտակայքում այլ շրջադարձ գտնել։ Այդպես նրանք հայտնվում են մի նեղիկ փողոցի փակուղում։ Այդ նույն ժամանակ 20-ամյա Գավրիլո Պրինցիպը դուրս էր գալիս իր ընկերոջ տան շքամուտքից։ Աստճո կողմից մոռացված այդ խուլ անկյունում տեսնելով հերցոգին՝ նա ցատկում է մեքենայի վրա, գրպանից հանում ատրճանակն ու այն դատարկում ազնվական ընտանիքի անդամների վրա։ Ֆրանցը եւ նրա կինը տեղում մահանում են։

Արդյոք սա պատահականություն էր։ Թերեւս, այդ, բայց այն օգտագործում են որպես պատերազմ սկսելու առիթ, որն ավելի քան 20 միլիոն մարդու կյանք է խլում։

Ինչ եղավ հետո

Պատերազմի ժամանակ Ֆրանց Ֆերդինանդի ձակատագրական վառ կարմիր ավտոմեքենան, որպես ռազմավար, բաժին է հասնում ավստրիական բանակի գեներալ Պոտիորեկին։ Երեք շաբաթ անց գեներալի ղեկավարած բանակը ջախջախիչ պարտություն է կրում, որից հետո նրան հեռացնում են հրամանատարական կազմից եւ ուղարկում հետ՝ Վիեննա։

Այս անգամ ավտոմեքենան անցնում է նրա համհարգին։ Չորս օր անց, երբ նա մեքենայով զբոսնում էր քաղաքի գեղեցկուհիներից մեկի հետ, համհարգը չի կարողանում կառավարել մեքենան եւ բախվում է մի մեծ կաղնու։ Թե՛ վարորդը, թե՛ ուղեւորուհին տեղում մահանում են։ Ավելին՝ մահանում են նաեւ վրաերթի ենթարկված երկու գուլացի, որոնց պատճառով էլ մեքենան հարվածում է ծառին։ Այսպիսով, մի քանի շաբաթվա ընթացքում մարդասպան-մեքենայի զոհերի թիվը հասնում է վեցի։

Բայց սա դեռ վերջը չէ։ Պատերազմից հետո ավտոմեքենան վերանորոգում են ու նվիրում Հարավսլավիայի նահանգապետին։ Չորս ամսվա ընթացքում նահանգապետի հետ չորս ավտովթար է պատահում։ Սա այն դեպքում, երբ նրա մեքենան միշտ առանձին «կանաչ ճանապարհով» էր ընթանում, էլ չենք խոսում այն մասին, որ այդ տարիներին փողոցներում ավտոմեքենաների թիվն անհամեմատ ավելի քիչ էր։ Առաջին երեք վթարի դեպքում նահանգապետն անվնաս է մնում, իսկ չորրորդի ժամանակ կորցնում է աջ ձեռքը եւ... «տղամարդկային հպարտությունը»։

Ավտոմեքենան ձեռք է բերում նահանգապետին վիրահատող բժշկի օգնական Սերբիսը։ Կես տարի անց տեղի ունեցած ավտոպատահարի հետեւանքով բժիշկը մահանում է։

Չարաբաստիկ ալ կարմիր «ֆայտոնի» հաջորդ տերը կյանքի հետ հաշիվները մաքրում է ինքնուրույն՝ առանց որեւէ մեկի

օգնության։ Սակայն մեքենայի հետ կապված մարդկանց հանելուկային մահերի շարքը շարունակվում է։ Ընդհանուր առմամբ՝ ավտոմեքենան 16 մարդու մահվան պատճառ է դառնում։ Վերջին վթարից հետո այն պետական միջոցների հաշվին վերանորոգում են եւ տեղադրում Ավստրիայի թանգարաններից մեկում։ Ավտոմեքենայի սեփական մահը վրա է հասնում Երկրորդ համաշխարհային պատերազմի ժամանակ՝ թանգարանի վրա ընկած ռումբի հետեւանքով։

Ալ կարմիր միակը չէ

1955 թ. սեպտեմբերի 30-ի երեկոյան Կալիֆոռնիայի դատարկ մայրուղիներից մեկով 150 կմ/ժ արագությամբ սպորտային «Պորշ» մակնիշի մի ավտոմեքենա էր սլանում։ Այն անսպասելիորեն դուրս է գալիս ճանապարհի հանդիպակաց հատված եւ բախվում «Կադիլակ» մակնիշի մի ավտոմեքենայի։ Վերջինիս վարորդը Հարվարդի համալսարանի 20-ամյա ուսանող էր, իսկ «Պորշի» ղեկին հայտնի հոլիվուդյան դերասան Ջեյմս Դինս էր։ Պատահարից 20 րոպե անց դեպքի վայր հասած ոստիկաններին մնում է միայն արձանագրել նրա մահը։ Դերասանը կոտրել էր պարանոցը։ Այդ մեքենան պատմության մեջ մնում է «Փոքրիկ տականք-130» անունով, որով նրան մահից ոչ շատ առաջ կնքել էր դերասանը։ Անվադողերի հետքերից դատելով՝ հենց մեքենաները հավասարվել էին իրար, «Պորշի» ղեկը կտրուկ թեքվել էր, եւ այն դուրս էր եկել հանդիպակաց գոտի։ Դատաբժշկական փորձաքննության արդյունքներն ուղղակի ապշեցուցիչ էին։ Դրանց համաձայն՝ Դինսը չէր կարող ինքնուրույն նման բան անել։ Սակայն նրա սպանության ապացույցները նույնպես չկային, եւ գործը փակվում է։ Սակայն «Փոքրիկ տականքի» պատմությունը դրանով չի ավարտվում։



Վթարից այլանդակված ավտոմեքենան գնում եւ վերանորոգում է դերասանի մուլի երկրպագուներից մեկը՝ տեխասցի խենթ միլիոնատիրուհի Անջելա Պերին։ Այդ մեքենան նրա համար մասունքի պես ինչ-որ բան էր։ Անջելան գտնում էր, որ կարող է չփվել ու գրուցել ավտոմեքենայի հետ։

Դինի մահվան 20-րդ տարեկիցի նախօրեին միլիոնատիրուհին հայտարարում է, որ պատրաստվում է հարգանքի տուրք մատու-



ցել իր սիրելի դերասանին եւ նույն ավտոմեքենայով գնալ նրա մահվան վայրը։ «Հուսով եմ, որ նա ինձ կպատմի, թե ինչ է եղել իրականում», - ասում է Անջելան ու շոյում «Պորշի» կողքը։ Մեկ օր անց ոստիկանները Պերիի ընտանիքին հայտնում են, որ ուշ երեկոյան մայրուղով 150 կմ/ժ արագությամբ սլացող «Պորշը» հանկարծակի դուրս է եկել հանդիպակաց գոտի եւ բախվել դիմացից եկող մեքենային։ Այն վարող Անջելան կոտրել է պարանոցը եւ տեղում մահացել։ Եվ կրկին փորձաքննությունը ցույց է տալիս, որ կինը չէր կարող ինքնուրույն շրջել ղեկը։

Դատական բժիշկ Ջոնաթան Բարչն իր գեկույցի մեջ գրում է. «Որքան էլ անմիտ թվա, տրամաբանորեն պատահարի մեղավորը «Փոքրիկ տականք-130» անունով ավտոմեքենան է»։ Այս դեպքը բժշկին շատ է հետաքրքրում, եւ նա սկսում է տվյալներ հավաքել այլ նմանատիպ պատահարների մասին։ Դեռեւս հետաքննությունը վարելիս Բարչը դիմում է իր վաղեմի բարեկամ, պրոֆեսոր Դան Քրայթնուորթին՝ նրան հայտնելով, որ որոշակի հանգամանքներում մեխանիզմները կարող են գործել ինքնուրույն՝ առանց մարդու միջամտության։ Բժիշկը չի հասցնում ավարտել իր ուսումնասիրությունները՝ դառնալով իր սեփական ավտոմեքենայի զոհը։ Երբ նա նորոգելու նպատակով պառկում է մեքենայի տակ, այն անսպասելիորեն շարժվում է առաջ եւ սպանում բժշկին։ Քննությունը պարզում է, որ դա կարող էր կարճ միացման հետեւանք լինել, որի պատճառով շարժիչը գործի էր ընկել։

Հարգելով ընկերոջ հիշատակը՝ պրոֆեսոր Քրայթնուորթը որոշում է շարունակել նրա կիսատ թողած գործը։ Ուսումնասիրությամբ պարզվում է, որ 20-րդ դարում մոլագար-ավտոմեքենաների զոհերի ցուցակը բացել է բալետի հայտնի պարուհի Այսեդորա Դունկանը։

Երբ ասում են մեքենաները

Նա շատ թշնամիներ ուներ, որոնց շարքում էին նաեւ ավտոմեքենաները... Պատմում է Այսեդորայի մտերիմ ընկերուհի Մերի Դեսթին. «Պսկովից Լենինգրադ վերադառնալու ճանապարհին մի մազ էր մնում, որ Այսեդորան մահանար։ Մեքենան ոչ այս, ոչ այն՝ դադարում է ենթարկվել վարորդին եւ շրջվում ջրանցքը»։ Նման պատահարներն Այսեդո-

րայի կյանքում շատ են եղել։ Դրանց առաջին զոհերը եղել են նրա մանկահասակ երեխաները։ Այդ ողբերգական օրը պարուհին առավոտից շատ բարձր տրամադրություն ուներ, երգում էր, պարում, ուրախ-զվարթ հրաժեշտ տվեց իր որդուն ու դստերը եւ նրանց անգլուհի դայակի հետ ուղարկեց զբոսանքի։ Հենց ճանապարհի սկզբին նրանք քիչ էր մնում բախվեին դիմացից եկող տաքսուն։ Վարորդը կտրուկ արգելակում է, եւ մեքենայի շարժիչն անջատվում է։ Նա դուրս է գալիս մեքենայից, որպեսզի կրկին շարժիչը գործի գցի, բայց հանկարծ շարժիչն ինքն իրեն միանում է, եւ ավտոմեքենան շարժվում է դեպի մայրուղու կողքով հոսող գետը։ Վարորդը շոկի մեջ ընկնում է գետնին ու սկսում գլուխը խփել ասֆալտին։ Գետի ուժեղ հոսանքը մեքենան հեռու է քշում։ Երբ այն գետից դուրս են հանում, տեսնում են, որ դայակը մինչեւ վերջին վայրկյանը փոքրիկներին սեղմել էր կրծքին՝ փորձելով փրկել...

1927 թվականի սեպտեմբերի 15-ին Այսեդորան որոշում է «Բուզատի-37» ավտոմեքենայով զբոսնել Նիցա քաղաքի փողոցներով։ Նրա վզին մետաքսե նուրբ շարֆ էր՝ երկրպագուներից մեկի նվերը։ Մեքենան սլանում էր, եւ շարժը ծածանվում էր համարյա գետնին զուգահեռ։ Հանկարծ ավտոմեքենան կանգ է առնում։ «Ի՞նչ է պատահել», - հարցնում է պարուհին։ «Ոչինչ չեմ հասկանում», - պատասխանում է վարորդը՝ քաշքշելով փոխանցման տուփի բռնակը։ Այժմ Այսեդորայի երկար շարժը կախվել էր մեքենայի կողքին։ Դրա ծուպերը փաթաթվում են անվի ձաղերին։ Ինչպես որ կանգ էր առել, նույնքան էլ անսպասելի շարժիչը գործի է ընկնում եւ մեքենան կտրուկ պոկում տեղից։ Անվի մի քանի պտույտ, եւ նուրբ գործվածքը սեղմվում է Այսեդորայի պարանոցի շուրջը...

Հետագայում պարզվում է, որ այդ չարաբաստիկ շարժը 130 պտույտ է արել անվի առանցքի շուրջը, նախքան վարորդը նկատել է, որ իր ուղեւորուհին մահացել է։ Ոստիկանության բաժանմունքում նա պնդում էր, որ մինչեւ հիմա չի հասկանում, թե ինչու էր ավտոմեքենայի բոլորովին նոր շարժիչը հանկարծակի կանգնել, իսկ հետո նորից գործի ընկել։

Գոհար Բաղդասարյան

ՅՈՒՆԵՍԿՕ

Ձարմանալի բան է. երկար տարիներ աշխատում ես մարդու հետ, շփվում, միասին ուրախանում ու տխրում եք, միասին տքնում ու հանգստանում, բայց միայն հետո, շատ-շատ ուշ ես հասկանում, որ նրա մասին քիչ բան գիտես: Անգամ չէինք հիշում տարիքը, թեկուզ ամեն տարի այս կամ այն չափով նշել ենք նրա ծննդյան տոները...



Սամվել Սիմոնյանը ծնվել է 1943 թվականին ՀՀ Շամշադինի շրջանի Բերդ գյուղում (ներկայիս Տավուշի մարզի Բերդ քաղաք) 1943 թվականի փետրվարի 23-ին, ծառայողի ընտանիքում:

1960 թվականին ավարտել է Երեւանի Ս. Սպանդարյանի անվան թիվ 24 միջնակարգ դպրոցը եւ ընդունվել Խ. Աբովյանի անվան հայկական պետական մանկավարժական ինստիտուտի պատմալեզվագրական ֆակուլտետը:

1965 թվականին ավարտելով ինստիտուտը՝ ստացել է պատմության, հայոց լեզվի եւ գրականության ուսուցչի որակավորում:

... Էլի ուշ, շատ ուշ մենք մեզ համար

պարզում ենք, որ չնայած ստացած որակավորմանը՝ Սամվելը երբեք ուսուցիչ չի աշխատել: Ափսոս, գիտելիքների անսպառ պաշար ուներ, որ կարող էր տալ մատաղ սերնդին: Լինում է, չէ՞, որ մարդ ընտրում է իր սիրած մանկավարժի մասնագիտությունը. եթե նա մեր պատմության ուսուցիչը լիներ, երեւի բոլորս պատմաբան դառնայինք: Անկեղծ ասած՝ մեզ եւ՛ հայոց լեզու ու գրականություն էր դասավանդում, եւ՛ պատմություն (հատկապես՝ հայոց պատմություն), ու դասավանդում էր այնքան համբերատար, այնքան գիտականորեն: Միշտ գիրքը ձեռքին էր՝ ապացուցելու համար իր ճշմարտացիությունը, թեկուզ չէինք էլ կասկածում, ու երբեք չէր սխալվում: Գիտեինք, որ իր նախորդ աշխատատեղերում հարուստ փորձ է ձեռք բերել...

1966-1970 թթ. եղել է «Պոլիմինիլացետատ» գործարանի «Քիմիագործ» բազմատպաքանակ թերթի գրական աշխատող:

1970-1985 թթ. աշխատել է «Գիտելիք» ընկերության հանրապետական վարչությունում, որպես ռեֆերենտ, ավագ ռեֆերենտ-հրատարակչական բաժնի վարիչ:

1985-1991 թթ. զբաղեցրել է ՀԿԿ Կենտկոմի «Լենինյան ուղիով» ամսագրի խմբագրության գիտության եւ մշակույթի բաժնի վարիչի, ապա՝ պատասխանատու քարտուղարի, իսկ 1991 թ.՝ «Հայաստան» թերթի խմբագրության պատասխանատու քարտուղարի տեղակալի պաշտոնները:


1991-1993 թթ. աշխատել է «ԱՌԱ» գովազդային-բաժնետիրական ընկերությունում, որպես հրատարակչության տնօրեն, գլխավոր խմբագիր:

1993 թվականից աշխատել է ՀՀ արտակարգ իրավիճակների վարչությունում՝

Օ»ñ ê ³ Üí»ÉÁ

նախ որպես ինֆորմացիայի եւ արտաքին կապերի բաժնի առաջատար, ապա՝ գլխավոր մասնագետ:

1999 թ. հունիսին նշանակվել է վարչության հասարակական կապերի եւ լրատվության բաժնում, որպես գլխավոր մասնագետ:



... Հետո շատ բան փոխվեց, վերափոխվեց ու բարեփոխվեց: Սամվելը չէր փոխվում. միշտ նույն հետեւողան խմբագրողն էր ու սովորեցնողը: Մի հիանալի բնավորություն ուներ՝ ինքն իրեն առաջադրանք էր տալիս ու կատարում: Նրան ոչ ոք չասաց՝ ես նորաստեղծ, վերափոխվող ու բարեփոխվող ծառայությունում շատ բացել կան: Նրան, օրինակ, մտահոգել էր արտակարգ իրավիճակներն ընդգրկող հասկացությունների, օտար ծագում ունեցող տերմինների հայերեն համարժեքների ճշգրտման հարցը: Գիտակցելով այս բնագավառում մայրենի լեզվով որեւէ բրոշյուրի, ուղեցույց ունենալու կարելիությունը՝ նա սեփական նախաձեռնությամբ թարգմանեց, համակարգեց տերմինների, հասկացությունների բառարան, որն առայժմ հանրապետությունում նմանատիպ միակ աշխատանքն է:

Իհարկե, հանձնարարություններ նույնպես լինում էին, ու եթե դրանք բարդ էին, ծավալուն՝ միայն Սամվելը կարող էր գլուխ հանել գործից: Բազմաթիվ մեթոդական նյութեր, հրահանգներ, համաձայնագրեր եւ այլ նյութեր թարգմանեց հայերեն, խմբագրեց, պատրաստեց մամուլի տեղեկագրեր եւ ամփոփագրեր:

Բայց որքան մանկավարժ, նույնքան էլ հավերժ աշակերտ էր. անընդհատ հետեւում էր վարչությունում ստացվող գրականությանը՝ ընթերցելով ձեռք բերում ուլորտում լրատվության աշխատողին անհրաժեշտ գիտելիքներ:

Չէր կարողանում մոռանալ նաեւ իր պատմության մասնագետ լինելը: Դարձյալ ինքն իրեն առաջադրանք տվեց ու ստեղծեց մի աշխատություն, որ վերնագրեց. «Հայ ժո-

ղովրդի պատմություն. Կարելու իրադարձությունների ժամանակագրություն»: Այս, ինչպես նաեւ մի շարք այլ աշխատություններ, ինչպիսիք են՝ «Հայաստանին սպառնացող աղետները», «Աղետների տեսակները» եւ այլն, դեռեւս անտիպ են: Դրանք մասամբ տպագրվել են «Արտակարգ թերթ» շաբաթաթերթում, որի կայացման գործում նույնպես անգնահատելի է Սամվելի ներդրումը:

Էնտուզիաստ էր, հայերենի բառն ու տառը գնահատող (գուցե նաեւ գերագնահատող) խմբագիր: Իր բազմազբաղ առօրյան նա չզղացավ լցնել նաեւ թերթի խմբագրման գործով: Այսօր էլ, երբ արդեն երկար ժամանակ, հիվանդության պատճառով, այլեւս մեզ հետ չէր, հիշում ենք նրա ուղղումները: Դրանք սոսկ ուղղումներ չէին, այլ մեկնաբանություններ, որոնցից հետո շարադասության ու տառադարձության ճիշտ տարբերակը տպվում ու մնում էր ուղեղիդ մեջ: Հիմա էլ, երբ մի նոր աշխատակից մի բան սխալ է գրում, ասում ենք՝ այսպես է ճիշտ: Ձարմանում են՝ չէ, մենք այսպես գիտենք, համ էլ՝ ո՞վ է ասել, որ այդպես է: Մենք մեր պատասխանն ունենք, պարզ ու հատուկ երկու խոսք՝ Սամվելն է ասել...

... Նա էլ ոչ մեկի ոչինչ չի ասի, մենք կասենք: Նրանից սովորածը մենք ուրիշներին կսովորեցնենք: Սա է կյանքի օրենքը, կյանքի շարունակականության օրենքը...

ՀՀ ՏԿՆ ՀՓԾ Տեղեկատվության եւ հասարակայնության հետ կապերի բաժին

Սեղանի թենիսի առաջնություն



Հունիսի 12-ին «Դինամո» մարզադահլիճում ԱԽՆ ՀՓԾ փրկարական ուժերի վարչության ստորաբաժանումների միջեւ տեղի ունեցավ սեղանի թենիսի առաջնություն, որին մասնակցած 17 թիմերից թեժ պայքարի արդյունքում հաղթող ճանաչվեցին ՀԱԷԿ-ի պահպանության հատուկ հրշեջ ջոկատի հրամանատար, փ/ծ գնդապետ Հակոբ Թադեւոսյանը եւ օղակի հրամանատար, փ/ծ ավագ սերժանտ Ջմայակ Սկրտչյանը՝ զբաղեցնելով համապատասխան առաջին եւ երկրորդ տեղերը, իսկ երրորդ

տեղը նվաճեց Երեւանի թիվ 1 ՀՓՁ-ի պետի տեղակալ, փ/ծ մայոր Կորյուն Արզումանյանը: Միջոցառման անցկացումը եւս մեկ անգամ ապացուցեց հրշեջ-փրկարական ջոկատների եւ հատուկ փրկարարական ջոկատի անձնակազմերի շփման կարելիությունը, որը կբարձրացնի մարտական գործողությունների ժամանակ նրանց փոխհամակցության արդյունավետությունը:

Առանձնակի ուշադրության է արժանի ՀՀ Ոստիկանության «Դինամո» ՄՀԿ-ի ղեկավար կազմի բարյացակամ վերաբերմունքը, որը լիովին աջակցեց մրցումների անցկացմանը՝ ապահովելով անհրաժեշտ պայմաններ եւ տրամադրելով համապատասխան մարզական գույք, բարձրակարգ մարզադատավարական կազմ եւ բուժանձնակազմ, որի համար հայտնում ենք մեր խորին շնորհակալությունը:

Հայաստանի Հանրապետության Արտակարգ իրավիճակների Նախարարության Հայաստանի Փրկարար Ծառայություն

ԵԳՆԱԺԱՄԱՅԻՆ ԿԱՌԱՎԱՐՄԱՆ ՊԵՏԱԿԱՆ ԱԿԱԴԵՄԻԱ

Հայտարարում է 2008-2009 ուս տարվա ընդունվող ինտերնայն մասնագիտություններով՝

Բարձրագույն կրթական ծրագրերով՝

- Ճգնաժամային կառավարում (մասնագիտացումը՝ տնտեսագետ)
- Հրդեհային պաշտպանություն (մասնագիտացումը՝ ճարտարագետ)
- Քաղաքացիական պաշտպանություն (մասնագիտացումը՝ ճարտարագետ)
- Պաշտպանությունն արտակարգ իրավիճակներում (մասնագիտացումը՝ մանկավարժ)
- Փրկարարական գործ (մասնագիտացումը՝ ճարտարագետ)
- Տրանսպորտային և հրշեջ փրկարարական հատուկ տեխնիկայի ու սարքավորումների շահագործում և տեխնիկական սպասարկում (մասնագիտացումը՝ ճարտարագետ)

Ուսուցման ձևերը՝	Ընդունելության քննությունները՝
- ցերեկային /առկա/ 4 տարի	o Մաթեմատիկա (բանավոր)
- հեռակա 5 տարի	o Հայոց լեզու (թվադրություն)
	o Հայաստանի աշխարհագրություն (հարցազրույց)

Մագիստրատուրա

- Ճգնաժամային կառավարում (հեռակա)
- Փրկարարական գործ (առկա)

Միջին մասնագիտական կրթական ծրագրերով՝

- Հրդեհային պաշտպանություն (մասնագիտացումը՝ հրշեջ տեխնիկ)
- Հրշեջ-փրկարարական տեխնիկայի տեխնիկական սպասարկում և ուղղում (մասնագիտացումը՝ տեխնիկ)
- Սենցմենթ /կառավարում արտակարգ իրավիճակներում/ (մասնագիտացումը՝ մենեջեր)

Կրթության հիմքը՝

- Սիշնակարգ /լիցիվ/ ընդհանուր կրթություն (ուսման տևողությունը 2 տարի)
- Հիմնական ընդհանուր կրթություն (ուսման տևողությունը 3 տարի)

Ընդունելությունը՝ հարցազրույցով (ուսուցումը թաղաք. Ստեփանավանում):

Միջին մասնագիտական կրթական ծրագրերով ուսուցումն ավարտածները կարող են ընդունվել բակալավրատի 2-րդ կուրս:

Փաստաթղթերն ընդունվում են ամեն օր, բացի շաբաթ և կիրակի օրերից՝ ժամը՝ 10⁰⁰ - 17⁰⁰:
Տեղեկությունների համար գնահատել՝ 61-47-60, 61-47-01, հասցե՝ Անադան 1:



Ստորագրված է տպագրության 19.6.2008 թ.